



Terenga 6: Hōtaka 7 – Whakakāhoretanga - Rerewāhi

He Mihi

Kei ngā kikopuku o te reo, kei ngā toa horopū i te tao o Pōhēhē, he huakore te whai i tēnei reo, piri mai ki te kura-takahi-puni o Reo kia tika, o Reo kia rere, o Reo kia Māori.

Hei Mahi Whakarongo

He whakamārama e haere ake nei mō tētehi whakataukī e pā ana ki te matapiko o te tangata. Ko Leon Blake te kaiwhakamahuki. Anei ngā pātai hei whakautu mā koutou:

- 1) He aha te 'ō matenga', ki ō whakaaro?
- 2) He aha te whakatūpato kei roto i te whakataukī?
- 3) Ka ora te tangata i te aha?


Kia whakarongo ake tātou ki ngā whakamārama a tēnei mātanga reo, a Leon Heketū Blake.

He Whakamārama

I roto i te Rerewāhi, ka tohua e te pū 'Kei' te wāhi kei reira tētehi mea ināianei. Hei whakakāhore i tēnei Rerewāhi, ka tīmata te rerenga ki te kupu 'Kāore', ā, ka whakataki te pū 'i' i te wāhi. Tirohia te whakatakatoranga o ēnei taura e whai ake nei:

Kei + tūwāhi + tāhu	Kāore + tāhu + i + tūwāhi
Kei Rotorua te whānau.	Kāore te whānau i Rotorua.
Kei konei koe.	Kāore koe i konei.
Kei tātahi a Pirihiria.	Kāore a Pirihira i tātahi.

He Mahi Ī-papa



Whakamāoritia te rerenga kōrero kei te Ī-papa.

Hei Mahi

Whakakāhoretia ngā rerenga kōrero e whai ake nei:

1. Kei korā te taraka o te whānau?
2. Kei konei a Tiki?
3. Kei Matamata te pāmu a Te Korou?
4. Kei a koutou ō koutou koti?

Whakautu:

Mahi Īpapa: Kāore ō hū i waho nā?.

Hei Mahi:

1. Kāore te taraka o te whānau i korā.
2. Kāore a Tiki i konei.
3. Kāore te pāmu a Te Korou i Matamata.
4. Kāore ō koutou koti i a koutou.